

ԳԻՏԱԽՈՍՈՒԹՅՈՒՆ ԵՎ ՔՆՆԱԴԱՐՈՒԹՅՈՒՆ

Հ. Ն. ԿԱՐԱՊԵՏՅԱՆ. ՄԵԾ ՊԱՅՔԱՐԻ ՄԱՐԴԻԿ, ՀԱՅՊԵՏՏՐԱՏ,
1963, 481 էջ

Հայպետհրատը լույս է ընծայել Հ. Ն. Կարապետյանի «Մեծ պայքարի մարդիկ» խորագրով դիրքը, որտեղ հեղինակը կարողացել է հեղափոխական շարժումների ու սոցիալիզմի կառուցման ընդհանուր ֆունի վրա ճշմարտացիորեն ու գիտական բարեխղճությամբ ընթերցողին ներկայացնել լենինյան հին գվարդիայի ներկայացուցիչներ Սարգիս Կասյանի, Սահակ Տեր-Գաբրիելյանի և Գևորգ Աթարբեկյանի կյանքն ու հեղափոխական գործունեությունը:

Հեղինակը նյութը ընթերցողին է մատուցում կենդանի ու պատկերավոր լեզվով: Նա պատմական նյութի գիտական շարադրման համար տարիներ շարունակ համառոտ են պրպտումներ է կատարել ոչ միայն Հայաստանի, այլև Թրիլիսիի, Բաքվի, Մոսկվայի, Լենինգրադի և այլ քաղաքների արխիվներում, գրադարաններում, թանգարաններում, օգտվել նրանց հաղագրողների, պայքարի ու աշխատանքային շատ ընկերների հիշողություններից:

Աշխատության առաջին հատվածը նվիրված է բոլշևիկյան կուսակցության ակնավոր գործիչ, Հայաստանի Հեղկոմի առաջին նախագահ Սարգիս Կասյանի (1876—1937)։

1919 թ. վերջերին, հայ ժողովրդի համար բախտորոշ ու օրհասական օրերին, երբ անդրկովկասյան մթնոլորտը թունավորված էր ազգայնական շնչով, իսկ Հայաստանը կործանման եզրին հասցրած դաշնակցական ապիկար կառավարությունը քաղաքական տհասությամբ շարունակում էր հայ ժողովրդի փրկությունը տեսնել արևմտյան իմպերիալիստական տերությունների ողորմածության մեջ, Կասյանն իր նշանավոր «Ո՛ր է ելքը» գրքում գրել է. «Ո՛չ. Հայաստանի ժողովրդի փրկության ուղին այնտեղ չէ, ուր որոնում են պատկառ ընկած դաշնակցականները և մյուս ազգայնական հեղհեղուկ մտավորականները: ...Նրկաթի և արյան միջոցով պահվող, ժողովրդական տառապանքի և հառաչանքի վրա կառուցված այդ աշխարհը չէ, որ պիտի փրկի հայ ժողովրդին տանջանքից և հառաչանքից, այլ այն աշխարհը, որի արշալույսը բացվել է ռուսական հյուսիսում...»

Միակ ելքը այդ է, ուրիշ ելք չկա:

Այս էր Սարգիս Կասյանի հավատը հանգանակը մեր ժողովրդի համար բախտորոշ օրերին: Դեռևս պատանեկան հասակում, Բաքվի ռեալական ուսումնարանում սովորելու տարիներին, Կասյանը հաղորդակից է լինում նարոդնիկական գաղափարներին, կարդում արգելված գրականություն: Դեպի հայկական-քաղաքական հարցերը ցուցաբերած բուռն հետաքրքրությունը 1900 թ. նրան տանում է արտասահման: Հայպիդի առևտրական ինստիտուտն ավարտելուց հետո Կասյանը տեղափոխվում է Բեռլին և սովորում տեղի համալսարանի փիլիսոփայական ֆակուլտետում:

Գերմանիայում եղած տարիներին Կասյանը սկսում է ծանոթանալ Մարքսի ուսմունքին, կարդում է Վ. Ի. Լենինի աշխատությունները և կապվում տեղի սոցիալ-դեմոկրատական կազմակերպությունների հետ:

Սակայն Կասյանը անմիջապես չկանգնեց բոլշևիզմի դիրքերում: 1903 թ. նա Բեռլինից սկսեց աշխատակցել հնչական մանրբուրժուական կուսակցության «Հնչակ» ու «Վերածնություն» թերթերին:

Չգունադարձելով Կասյանի այդ շրջանի քաղաքական գործունեությունը, հեղինակը կարողացել է համոզիչ կերպով ցույց տալ, որ նրա հողվածները իրենց բնույթով ու բովանդակությամբ ակնհայտորեն տարբերվում էին հնչական պարբերականների քաղաքական ուղղությունից և արտահայտում հնչական կուսակցության ձախ թևի առաջադիմական տենդենցները: Արդեն այդ հողվածներում ինքնակալության նկատմամբ օպոդիցիոն տրամադրված բոլոր կուսակցությունների մեջ Կասյանը առաջնությունը տալիս էր Ռուսաստանի սոցիալ-դեմոկրատական կուսակցությանը, որն ընթանում էր համաժողովրդական ժողովի ավանգարդում:

Ավարտելով համալսարանը, 1904 թ. աշնանը, Կասյանը Բեռլինից վերադառնում է Բաքու, բնկնում նոր միջավայր: 1905 թ. Կասյանը վերջնականապես խզում է իր կապերը հնչակյանության հետ, մտնում ՌՄԴԲՊ շարքերը, և, ինչպես հեղինակն է նշում, դրանով ավարտվում է Կասյանի «գաղափարական-քաղաքական որոնումների շրջանը»:

ՌՄԴԲՊ շարքերն ընդունվելուց անմիջապես հետո Կասյանը հսկայական աշխատանք է ծավալում բուլշևիկյան լիգայ ու անլիգայ մամուլի ստեղծման ուղղությամբ: Հաջողությամբ կատարելով ՌՄԴԲՊ Բաքվի կոմիտեի հանձնարարությունը, Կասյանը կազմակերպում է «Բանվորի ձայն» հայերեն թերթի հրատարակումը, որի առաջին և միակ համարը լույս է տեսնում 1906 թ. մարտին: Թերթը ցարական ոստիկանության կողմից փակվելուց հետո, Կասյանը մեկնում է Իրիլիսի և մասնակցում Ստեփան Շահումյանի կազմակերպած «Կայծ» թերթի խմբագրման աշխատանքներին: Այնուհետև, 1906—1907 թթ. Ստ. Շահումյանի և Ս. Սպանդարյանի հետ համատեղ նա խմբագրում է «Նոր խոսք» և «Օրեր» բուլշևիկյան թերթերը:

Այս շրջանում էր, որ դրսևորվում է Կասյան-բուլշևիկի հրապարակախոսական փայլուն տաղանդը: Բազմաթիվ տեսական հոդվածներում նա կարողանում է մարքսիստական իր հարուստ գիտելիքները շաղկապել Անդրկովկասի բանվոր դասակարգի հեղափոխական պայքարի կոնկրետ խնդիրների հետ: Կասյանն առանձնապես անողոք պայքար է ծավալում բուրժուական ազգայնականության դեմ, որն իր տարածման համար պարարտ հող էր դառնում Անդրկովկասում՝ ցարիզմի կողմից ազգամիջյան թշնամանքի հրահրման պատճառով: Կասյանը գտնում էր, որ ազգայնականությունն այն վտանգն է, որը սպառնում է Անդրկովկասի բազմազգ պրոլետարիատի միասնական պայքարին՝ ընդդեմ ցարական ինքնակալության:

1910 թ. Կասյանը Բաքվից տեղափոխվում է Իրիլիսի: 1914 թ. ապրիլին նա ձերբակալվում է, դատի տրվում և վարչական կարգով արտաքսվում Աստրախան, ուր մեկ տարի մնալուց հետո փոխադրվում է Վոլոգդա, որտեղ մնում է մինչև ինքնակալության տապալումը:

Ս. Կասյանի գործունեության այս ժամանակաշրջանի վերաբերյալ համեմատաբար քիչ տեղեկություններ են մնացել: Սակայն հեղինակը կարողացել է, երբեմն առաջին հայացքից երկրորդական թվացող փաստաթղթերի միջոցով վերականգնել նրա կյանքի մի շարք անհայտ էջեր:

1917 թ. ամռանը Կասյանը վերադառնում է Իրիլիսի և ամբողջովին իրեն նվիրում կուսակցական աշխատանքի: Շուտով նա դառնում է կուսակցության կովկասյան երկրային կոմիտեի աշխի բնկնող ղեկավարներից մեկը:

1917—1920 թթ. ժամանակաշրջանում կուսակցական-կազմակերպչական հսկայական աշխատանքից բացի, Կասյանը ծավալում է տեսական բեղմնավոր գործունեություն: Երբեք հեղինակը կարողացել է մտորեն վերլուծել Կասյանի այդ շրջանի դրական ժառանգությունը և տալ նրա օբյեկտիվ գնահատականը: Կասյանի գրչի տակից մեկը մյուսի հետևից դուրս են գալիս բազմաթիվ հոդվածներ, որոնցում նա մարքս-լենինյան դիրքերից պատասխան է տալիս հասարակական-քաղաքական կյանքի բազմաթիվ հրատապ հարցերի, լայնորեն պրոպագանդում անդրկովկասյան բուլշևիկների քաղաքական գիծը, մերկացնում երկրամասի բուրժուա-ազգայնական կառավարությունների հակաժողովրդական էությունը:

1919 թ. ամռանը, խուսափելով ձերբակալությունից, Կասյանը հեռանում է մենչևիկյան Վրաստանի սահմաններից և կուսակցության կովկասյան երկրային կոմիտեի հանձնարարությամբ գալիս Հայաստան:

1919 թ. սեպտեմբերին երևանում հրավիրվում է Հայաստանի բուլշևիկյան կազմակերպությունների ներկայացուցիչների պատմական խորհրդակցությունը, որտեղ Կասյանը ղեկուցում է ընթացիկ մոմենտի և կոմունիստական կազմակերպությունների խնդիրների մասին: Խորհրդակցությունում րնտրվում է ՌԿ(Բ)Կ Հայաստանի կոմիտե (Արմենկոմ), որի կազմում Կասյանը ղեկավար դեմք էր: Խորհրդակցությունը նաև որոշում է ընդունում՝ հանձնարարել Կասյանին՝ իր ղեկուցման թեղիսների հիման վրա գրել մի գիրք, որտեղ պետք է շարադրվեր Հայաստանի կոմունիստների խնդիրները տվյալ իրադրության պայմաններում և աշխատավորական լայն մասսաներին ցույց տրվեր ստեղծված ծանր վիճակից դուրս գալու ելքը: Կատարելով Արմենկոմի պահանջը, Կասյանը ղեկավարել է լույս է բնծայում իր «Ո՛ւր է ելքը» նշանավոր աշխատությունը:

2. Կարապետյանը մանրամասն վեր է լուծում Կասյանի վերոհիշյալ աշխատությունը, համոզիչ կերպով ցույց տալիս նրա հասարակական ու քաղաքական մեծ նշանակությունը հայ ժողովրդի համար բախտորոշ այդ օրերին, նշում գրքի ղեհահատման հարցում առանձին հեղինակների կողմնակալ վերաբերմունքն ու ոչ չիշտ եզրակացությունները: Հեղինակը հիմնավոր կերպով ցույց է տալիս, որ այդ աշխատության շուրջը անցյալում եղած քննադատությունը եղել է

միանգամայն անարդարացի ու ոչ դիտական: Գնահատելով Ս. Կասյանի դիրքը հեղինակը իրավամբ նկատում է. «Որքան մենք հեռանում ենք մոայլ 1919 թ.,—գրում է Շ. Կարապետյանը,—և որքան բազմապատկվում են մեր սոցիալիստական կյանքի ու միջազգային կոմունիստական շարժման հաջողությունները, այնքան ավելի ակնհայտ է դառնում նրանում արժարժված մտքերի խոր իմաստն ու ճշմարտությունը» (էջ 125):

1920 թ. սկզբին Ս. Կասյանը ձերբակալվում է դաշնակեցիների կառավարության կողմից և տուտարանում էլ աշխատանքի: Սա անցնում է Վրաստան, ապա՝ սովետական Բաքու, որտեղ գտնվում էր Հայաստանի կոմունիստական կուսակցության նորաստեղծ Կենտրոնական կոմիտեն: Այստեղ, 1920 թ. նոյեմբերին, Կասյանը հաստատվում է ՀԿԿ Կենտկոմի կազմում, իսկ որոշ ժամանակ անց, ՌԿ(Բ)Կ Կոմկասյան բյուրոյի և ՀԿԿ Կենտկոմի կողմից նշանակվում է Հայաստանի նորաստեղծ Հեղկոմի առաջին նախագահ:

Այնուհետև զբբի հեղինակը մանրամասն ու փաստական հարուստ նյութերի հիման վրա յուստբանում է այն մեծ աշխատանքը, որ կատարել է Կասյանը Հայաստանում և Անդրկովկասում՝ սովետական իշխանության տարիներին: Զրադված լինելով պրակտիկ պատասխանատու աշխատանքներով, Կասյանը չէր զազարեցնում իր հրապարակախոսական-ժուռնալիստական գործունեությունը, մնում էր որպես կուսակցության զազափարական ճակատի ակտիվ ղեկավոր, մարքսիստական զազափարների անխոնջ պրոպագանդիստ:

Հեղինակը, իհարկե, Կասյանի այդ շրջանի գրական-զազափարական աշխատանքներում տեսնում է նաև թերություններ: Անդրադառնալով Ս. Կասյանի «Սպեցիֆիկները և սպեցիֆիզմը» գրքին, նա գրում է. «Եթե Կասյանը առհասարակ անսխալական չէր, այս գրքի կապակցությամբ դա ճիշտ էր ասվել ևս» (էջ 201):

Մերկացնելով բուրժուական ազգայնականների հակաժողովրդական գործելակերպը և մասնավորապես, հայ «սպեցիֆիկներին» հակաբանվորական, ազգայնական էությունն, իր գրքում, սակայն, Կասյանը թույլ է տվել անհամոզիչ ձևակերպումներ, երբեմն անարդարացի քննադատության ենթարկելով պոլքարի ու աշխատանքի իր ընկերներին: Հեղինակը դա համարում է կուսակցության զազափարական կյանքում այն ժամանակ գոյություն ունեցող զժվարությունների և տարաձայնությունների արդյունքը, որոնցից հետո չէր կանգնած նաև Ս. Կասյանը:

Կարևորն այն է, որ Շ. Կարապետյանը փորձում է «Սպեցիֆիկները և սպեցիֆիզմը» գիրքը վերլուծել իր ամբողջության մեջ առավելություններով ու թերություններով հանդերձ: Հեղինակի այդ փորձը խրախուսելի է, եթե նույնիսկ տեղ-տեղ նրա եզրակացությունները համոզիչ չլինեին. կամ համարվեն վիճելի:

Ընթանալով շրջանցման ու անտեսման «մեթոդի» դիմ, Շ. Կարապետյանը փորձ է արել դիտական հոդի վրա վերլուծել նաև Ս. Կասյանի երկար ժամանակ լուծյալ մատնված, «Հայաստանի տնտեսական դասակարգային ստրուկտուրան» ծավալուն հոդվածը: Հայտնի է, որ անհատի պաշտամունքի տարիներին լույս տեսած շատ աշխատություններում պատեհ և անպատեհ առիթներով վարկարկվում էին լենինյան հին պլարդիայի բազմաթիվ գործիչներ, եթե նրանք իրենց գործունեության ընթացքում թույլ էին տվել որոշ սխալներ, մի բան, որ մեծ վնաս է հասցրել պատմական դիտությանը: Այս տեսակետից էլ ուշադրավ է, որ Շ. Կարապետյանն անցյալի գործիչների հասարակական ու զրական ժառանգության գնահատմանը մոտենում է անկողմնակալ կերպով, հանդես բերում համբերատարություն, արհեստականորեն չմեծացնելով նրանց կողմից թույլ տված սխալները:

Գրքում հանգամանորեն ցույց է տրված, որ Սարգիս Կասյանը լինելով լենինյան տիպի բազաբական գործիչ, մեծ ցավով էր վերապրում անհատի պաշտամունքի ժամանակաշրջանի անօրինականությունները, չէր կարողանում համակերպվել ներկուսակցական կյանքում ստեղծված ծանր մթնոլորտին և ամենայն անկեղծությամբ ու համարձակությամբ, բոլշևիկյան սկզբունքայինության դիրքերից, թեկուզ իր կյանքը վտանգի ենթարկելու գնով, քննադատում էր Բերիաշի ու նրա կողմնակիցների գործունեության արատավոր ու արտաոռց մեթոդները Անդրկովկասի կուսակցական կազմակերպության մեջ:

Դեռևս 1930 թ. նոյեմբերին, հանդես գալով ՀԿԿ Կենտկոմի, ԿՎՀ-ի, Երևանի կուսակցական ակտիվի միացյալ նիստում և սուր քննադատության ենթարկելով ՀԿԿ Կենտկոմի ղեկավարության ոճը, Ս. Կասյանը նիստի մասնակիցների ուշադրություն է հրավիրում այն բանի վրա, որ պարտիական կյանքում «կոլեկտիվ ղեկավարությունը աստիճանաբար փոխարինում է միանձնյա ղեկավարությունը», որ «...կուսակցության մեջ գոյություն ունի անտանելի ուժիմ, բուցակայում է ինքնաքննադատությունը...»:

Հասկանալի է, որ բերիական բանդան շէր կարող ենթել նրան: Ուստի Կասյանին ներկայացրեցին անհիմն մեղադրանքներ և 1937 թ. ձերբակալեցին: Նա զոհ գնաց կոմունիզմի թշնամիների ստոր զրպարտանքներին:

«Մեծ պայքարի մարդիկ» մենագրության հաջորդ բաժինը նվիրված է ականավոր բուլշևիկ Սահակ Տեր-Գաբրիելյանին (1886—1937):

«Սովետական դարաշրջանի... նոր մարդու տիպարը, որին ևս տեսա Սովետական Հայաստանում, բնկեր Տեր-Գաբրիելյանն է: Այդպիսի նոր մարդուն մենք չենք կարող շտրել: Այս խոսքերը պատկանում են ֆրանսիացի նշանավոր գրող Ժան-Ռիշար Բլոկին և արտասանվել են սովետահայ գրողների հետ նրա ունեցած հանդիպման ժամանակ, 1934 թ. սեպտեմբերին:

Ինչպես Սարգիս Կասյանի, այնպես էլ Սահակ Տեր-Գաբրիելյանի մասին մեր հասարակայնությունը քիչ բան գիտե: Եվ պատահական չէ, որ բնթերցողները մեծ հետաքրքրությամբ են թերթում գրքի այն էջերը, որտեղ հեղինակը քայլ առ քայլ ու ջերմ զգացմունքներով մեր առջև բացահայտում է անզուգական բուլշևիկի մարդջական կերպարը:

Սահակ Տեր-Գաբրիելյանը իր բախտը կոմունիստական կուսակցության հետ կապելը 1902 թ. Բաքվում: Հեղափոխական անձնուրաց աշխատանք նավթաշիարհի բանվորական շրջաններում, ձերբակալություն, նորից անդիջում պայքար անարդար հասարակարգի դեմ: Ինչպես ողիսական առաջին հեղափոխության տարիներին, այնպես էլ նրան հաջորդած ուսակցիայի ժամանակաշրջանում Տեր-Գաբրիելյանը պայքարի առաջին գծում մնաց անհաճախ:

1917 թ. ապրիլի 3-ին շատերի հետ միասին ֆինլանդական կայսրանում Ս. Տեր-Գաբրիելյանը դիմավորում է հեղափոխության առաջնորդ Լենինին, լսում նրա պատմական ճառերը: Պետրոգրադից նա Բաքու է վերադառնում՝ իր հետ բերելով Վ. Ի. Լենինի Ապրիլյան թեզիսները: Հեղինակը ցույց է տալիս, թե Պետրոգրադից վերադառնալուց հետո Տեր-Գաբրիելյանը ինչպիսի եռանդով է իրեն նվիրաբերել Վ. Ի. Լենինի Ապրիլյան թեզիսների պրոպագանդման գործին: Նա շարունակելով իր ունենում բանվորական ժողովներում, պարզաբանում բուլշևիկների խնդիրները հեղափոխության տվյալ էտապում: «Բուրժուազիան իր ցանկությամբ չի հեռանում իշխանությունից,—ասում էր Տեր-Գաբրիելյանը,—դեմոկրատիայի ուժն է նրան դուրս մղում: Բայց չի կարելի կենսանապարհին կանգ առնել, իշխանությունը պետք է մարդկային անցնի բանվորների, գյուղացիների և զինվորների դեպուտատների սովետների ձեռքը...» (էջ 243):

Բաքվի կոմունայի ժամանակաշրջանում Սահակ Տեր-Գաբրիելյանը վարում էր նավթային կոմիսարի, այնուհետև հակահեղափոխության դեմ պայքարող արտակարգ հանձնաժողովի նախագահի պաշտոնները: Գրքում ցույց է տրված, թե ինչպիսի հսկայական ջանքեր էր թափում նա, կազմակերպելու նավթի առաքումը Սովետական Ռուսաստան: 1918 թ. Բաքվի սովետական իշխանության գործուղմամբ Տեր-Գաբրիելյանը կրկին լինում է Մոսկվայում, մի շարք հանդիպումներ ու գրույցներ ունենում Վ. Ի. Լենինի և կուսակցության ու կառավարության մյուս ղեկավար գործիչների հետ, լսում նրանց ցուցումները, կատարում նորանոր հանձնարարություններ:

Բաքվի հերոսական կոմունայի անկումից հետո, 1918 թ. վերջին Ս. Տեր-Գաբրիելյանը աշխատանքի է անցնում Մոսկվայում և վարում մի շարք պատասխանատու պաշտոններ:

Հայաստանում սովետական իշխանության հաղթանակից հետո, որպես Հեղկոմի անդամ, Ս. Տեր-Գաբրիելյանը նշանակվում է Սովետական Հայաստանի լիազոր-ներկայացուցիչ Ռուսաստանում, իսկ 1923 թ. դառնում Անդրկովկասյան ֆեդերացիայի ներկայացուցիչ Ռուսաստանում:

1928—1935 թթ. Ս. Տեր-Գաբրիելյանը Հայաստանի Ժողկոմսովետի նախագահն էր: Գրքում բերված են բազմաթիվ հետաքրքիր փաստեր, թե ինչպիսի անհուն նվիրվածությամբ էր նա իր անսպառ եռանդը ծառայեցնում հանրապետության ինդուստրացման ու գյուղատնտեսության կոլեկտիվացման, սովետահայ գիտության ու կուլտուրայի զարգացման գործին:

Ս. Տեր-Գաբրիելյանը միշտ հիշեցնում էր, որ Հայաստանը բոլոր հնարավորություններն ունի ամենակարճ ժամանակամիջոցում արդյունաբերական դարգացած հանրապետություն դառնալու: «Հայաստանում ուր էլ աչք գցես մեկ է՝ լեռներ են,—ասում էր Ս. Տեր-Գաբրիելյանը,—Պետք է միայն այդ լեռները գիտել ոչ թե տուրիստի ու զեղանկարչի, այլ երկրաբան-տիրոջ նման»: Նա մեծ ջանքեր գործադրեց Հայաստանի ժողովրդական տնտեսության առաջին հնգամյա պլանի դիտական մշակման ուղղությամբ: Նա գտնում էր, որ հնգամյա պլանը պետք է ելնի հանրապետության հանքային հարստությունների, ջրային ռեսուրսների օգտագործման և գյուղատնտեսության բոլոր բնագավառների առավելագույն զարգացման անհրաժեշտությունից:

Հեղինակը սրտի ցավով է նշում, որ 1937 թ. Ս. Տեր-Գաբրիելյանը, ի թիվս կուսակցության

ու պետության այլ ականավոր դործիչների, ձերբակալվեց Բերիայի թշնամական բանդայի կողմից և «սահմանային պարտիզանի ու ժողովրդի հանդեպ մաքուր խղճով»:

Գրքի վերջին բաժինը նվիրված է ռեուլյուցիայի անվահեր մարտիկ Գևորգ Արաբեկյանին (1892—1925):

Ինչպես հայտնի է, Գևորգ Աթարբեկյանի մասին մինչ այսօր գրվել են մի շարք հոգվածներ ու առանձին հոշեր: Նրա կերպարը արծարծվել է նաև զեղարվեստական գրականության մեջ: Եվ, բնականաբար, ընթերցողները համեմատաբար շատ բան գիտեն նրա կյանքի վերաբերյալ: Սակայն, շնայած դրան, Գ. Աթարբեկյանի կյանքի նկարագրությունը Հ. Կարապետյանի գրքում նույնպես կարգացվում է մեծ հետաքրքրությամբ: Հեղինակը կենդանի ու պատկերավոր լեզվով կարողացել է բացահայտել նրա դործունեության բազմաթիվ նոր էջեր, որոնք մինչև այժմ կամ անհայտ էին, կամ ոտվերի տակ մնացած:

Գևորգ Աթարբեկյանը պատկանում էր ոչ մեծաթիվ պրոֆեսիոնալ այն հեղափոխականներին, որոնց նկատմամբ բուլշևիկների կուսակցությունը, անսահման վստահություն տածելով, կենաց և մահու կապի ուղարկեց պրոլետարիատի իշխանության ամենամոլի թշնամիների ղեմ: Աթարբեկյանը փայլուն կերպով արդարացրեց կուսակցության վստահությունը: Անձնվեր լենինյանի անհողողի կամքը և ճնշվածների դործի հաղթանակի նկատմամբ ունեցած անսահման հավատը հաջողությամբ զուգակցելով հեղափոխական արվեստին, նա քաղաքացիական պատերազմի ամբողջ ժամանակաշրջանում, զենքի ձեռքին սարսափ տարածեց թշնամիների շարքերում:

Փետրվարյան հեղափոխությունից հետո Գ. Աթարբեկյանը Ալեքսանդրապոլում ակտիվ հեղափոխական աշխատանք է ծավալում քաղաքի բանվորների ու կայազորի զինվորների շրջանում: 1917 թ. օգոստոսին նա ընտրվում է բուլշևիկների կողմից քաղաքում ստեղծված արտակարգ հանձնաժողովի կազմում, որի նպատակն էր խափանել Պետրոգրադում նախապարտադիր զենեքալական զավադրության արձագանքները Ալեքսանդրապոլում սեղանաշինված դրամասերում:

Վատթար առողջության կապակցությամբ, բժիշկների խորհրդով, 1917 թ. հոկտեմբերին Աթարբեկյանը տեղափոխվում է ծովափ՝ Սուխումի: Այստեղ նա անմիջապես կապվում է տեղի բուլշևիկների հետ և մասնակցում Արխանգելյան սովետական կարգերի հաստատման համար պայքարին:

1918 թ. դարևանը Արխանգելյան հաստատվեց սովետական իշխանություն: Իրեն հատուկ եռանդով, Գ. Աթարբեկյանը ձեռնամուխ է լինում զինված կարմիր ջոկատների կազմակերպմանը, կարմիր Արխանգելյան պաշտպանելով թշնամիների հարձակումներից:

1918—1919 թթ. Աթարբեկյանին մենք տեսնում ենք նախ Հյուսիսային կովկասի արտակարգ հանձնաժողովի նախագահի տեղակալի պաշտոնում, ապա Աստրախանի հերոսական պաշտպանների շարքերում: 1920 թ. սկզբին, Համառուսաստանյան արտակարգ հանձնաժողովի որոշմամբ նա նշանակվում է արտակարգ հանձնաժողովի լիազոր-ներկայացուցիչ Կուբան—Սևծովյան մարզում: Այստեղ նա հնարամիտ ու խիզախ դործողություններով խափանում է սպիտակ խոզավարների բազմաթիվ զավադրությունները, ճնշում հակասովետական ելույթները: Նա առանձնապես մեծ եռանդ ու քանք 'ներդնում վրանդելյան լրտեսական կազմակերպությունների լիկվիդացման գործում:

1921 թ. հունվարին Գ. Աթարբեկյանը ժամանեց Երևան, որպես Համառուսաստանյան արտակարգ հանձնաժողովի լիազոր-ներկայացուցիչ՝ նորաստեղծ Սովետական Հայաստանում: Այդ այն ժամանակն էր, երբ դարևանակալ թշնամին՝ դաշնակցությունը, տենդորեն խոտվություն էր նախապատրաստում՝ վերահաստատելու տապալված իշխանությունը: Արտակարգ Հանձնաժողովի և հանրապետության կարմիր բանակի հատուկ բաժնի աշխատանքները վերակառուցելով, Աթարբեկյանը բացահայտում է թշնամու մի շարք լուրջ զավադրությունները, մերկացնում Բագմաթիվ թաքնված խոտավարների: Ավելի ուշ, կարմիր ջոկատների գլուխն անցած, նա ակտիվորեն մասնակցում է դաշնակների փետրվարյան ավանտյուրայի լիկվիդացմանը:

Հետաքրքրությամբ են ընթերցվում գրքի այն էջերը, որոնք վերաբերում են Հայաստանի կոմկուսի Կենտրոնում և Հայաստանի Հեղկոմում 1921 թ. սկզբին ծագած տարաձայնություններին:

Անցյալներում այդ տարաձայնությունների հարցը բավական լուրջ վեճերի տեղիք է տվել թե՛ պատմական գրականության մեջ և թե՛ գիտական խորհրդակցություններում: Հեղինակը դիմելով մի շարք փաստաթղթերի, այդ հարցը վերլուծում է իր ամբողջության մեջ: Նա որոշ պատմական էրսկուրսիաներ է կատարում՝ վերհիշում Փարիզյան կոմունայի պատմությունը, Աստրախանի 1919 թ. զեպերը և այլն: Եվ ոչ մեկին չի մեղադրում օպորտունիզմի մեջ, չի օգ-

ազգործում անվանարկող պիտակները Ավելին, նա գտնում է, որ տարաձայնող երկու կողմերի դիմադրող ներկայացուցիչներ Ս. Կասյանը և Գ. Աթարբեկյանը, ինչպես նաև նրանց հետևողները, բուլղարական կուսակցության անձնավոր գիտնականներ Լին, մարքսիստ-լենինյանները՝ «Հարցը տակտիկայի մեջ էր, — գրում է Հ. Կարապետյանը, — որ ճանապարհով ընթանալ, որ Հայաստանի տառապյալ աշխատավորը ավելի արագ և ավելի լավ կառուցի իր երջանիկ կյանքը, որի համար անհրաժեշտ էր համապատասխան հուզում էր նույն հարցը, երկուսն էլ համապատասխան պատրաստ էին իրենց հանդիստն ու կյանքը լիովին նվեր բերելու բանավորի ու աշխատավոր դյուզադուր երջանկությանը» (էջ 426)։

Տարածայնությունների բովանդակությունը վերլուծելուց հետո, վերջի վերջո, հեղինակը հարցը լուծում է Ս. Կասյանի օգտին. որն ավելի մեղմ քաղաքականության կողմնակից էր, քաղաքականություն, որ, ինչպես իրավացիորեն նշվում է զրբում, անհամեմատ ավելի ճիշտ էր և անխոցելի «կոմպարտիայի» ներքին ու արտաքին քաղաքականության տեսակետից» (էջ 429)։

1921 թ. կեսերին Գ. Աթարբեկյանը աշխատանքի տեղափոխվեց Վրաստան։ Անդրֆեդերացիայի ստեղծումից հետո նա մի շարք պատասխանատու պաշտոններ է վարում երկրամասում և իր ամբողջ ուժերը ներդնում երիտասարդ սովետական ռեսպուբլիկայի տնտեսության զարգացմանը։

Հակահեղափոխական տարրերը, բուրժուազիան և քաղքենի ինտելիգենցիան Աթարբեկյանի մեջ միայն տեսնում էին «սառն» ու «ղաժան» մարդուն։ Սակայն իրականում այդպես չէր «...Այդ «ղաժան» մարդու մեջ, — գրել է բանաստեղծ Հակոբ Հակոբյանը, — ապրում էր ազնիվներից ազնիվ, քնքուշ մի հոգի, երեսայի սրտի պես բյուրեղյա մի սիրտ, իմաստունի մտքի պես պարզ ու հստակ մի խելք, լուրջ, պատասխանատու վերաբերմունք մեր ամեն մի քայլի համար, հանգիստ ու արդար՝ իր հեղափոխական խղճի համար»։ Նրան համարում էին հակահեղափոխության սարսափը, — ասել է Սարգիս Լուկաշինը, — բայց նա, ով նրան մոտիկից է ճանաչում, կասի, որ Աթարբեկյանը շատ քնքուշ և հիանալի բնկեր էր» (էջ 451—452)։

Ջափազանց վաղ կտրվեց Գ. Աթարբեկյանի կյանքի թելը։ 1925 թ. մարտի 22-ին Աթարբեկյանը Ալեքսանդր Մյասնիկյանի ու Սովետիկ Մոգիլյանկու հետ միասին օդային աղետի զոհ դարձավ, երբ ընդամենը 33 տարեկան էր։

«Մեծ պայքարի մարդիկ» գիրքը, իհարկե, զերծ չէ նաև առանձին թերություններից։

Ինչպես նշեցինք, աշխատությունը, ընդհանուր առմամբ, զրկա՜ է կենդանի ու պատկերավոր լեզվով։ Սակայն զրբի բազմաթիվ հաջող հատվածների կողքին կան առանձին էջեր, որոնք թերի են զրական մշակման տեսակետից կամ շարադրված են անհաջող ձևակերպումներով։

Չնայած հեղինակը մեծ աշխատանք է կատարել իր հերոսների կյանքի ամենամոլթ էջերը լուսարանելու ուղղությամբ, այնուամենայնիվ, առանձին էջերում փաստերի պակաս է նկատվում, որի հետևանքով որոշ տեղեր շարադրանքը կրում է սխեմատիկ բնույթ։ Այսպես, ցանկալի է, որ հեղինակը ավելի խոր լուսարաներ Ս. Կասյանի գործունեությունը ստորիպիյան ռեակցիայի տարիներին, կամ Ս. Տեր-Գաբրիելյանի կյանքը՝ 1905—1907 թթ. ընկած ժամանակաշրջանում։

Մի շարք դեպքերում հեղինակը հանգամանորեն շարադրել է այնպիսի հարցեր, որոնք վաղուց ի վեր իրենց լուծումն են ստացել պատմական գրականության մեջ և զրանց կրկին անդրադառնալու հարկ չկար։

Դրբում տեղ են գտել նաև առանձին ռճական ու շարահյուսական թերություններ (էջ 112, 236, 238 և այլն), ինչպես նաև շեկատված վրիպակներ (էջ 376 և այլն)։

Սակայն, հեղինակը մեծ աշխատանք է կատարել գիտական հասարակայնությանն ու ընթերցողների լայն շրջաններին հանձնելով չափազանց ուշադրավ մի գործ։

Դրբի առաջարկում հեղինակը գրում է, որ ինքը շարունակելու է իր աշխատանքները «Մեծ պայքարի մարդիկ» աշխատության երկրորդ զրբի ստեղծման ուղղությամբ, որը նվիրված է լինելու Ալեքսանդր Բեկզադյանի, Վլադիսլավ Կասպարովի, Հովսեփ Լադյանի, Մարտիրոս Միրաբյանի (Շանթ) և Սարգիս Լուկաշինի կյանքի ու գործունեության պատմությանը։ Դա ստեղծագործական աշխատանքի միանգամայն ողջունելի պլան է։ Ցանկալի է երկրորդ զրբին ավելի կատարյալ տեսնել։